

საინფორმაციო ფურცელი - შეთავაზება

1. **მზღვეველი:** სააქციო საზოგადოება - სს «სადაზღვევო კომპანია ალდაგი»;
2. **დაზღვევის ხელშეკრულების სახე:** ქონების დაზღვევა
3. **დაზღვეული რისკის აღწერილობა/სადაზღვევო დაფარვის პირობები:**

დამზღვევის კანონიერ სარგებლობაში არსებული ქონების დაზღვევა **მზღვეველის** მიერ შემდეგი სადაზღვევო რისკებისაგან: ხანძარი, დაზიანება კვამლით, რომელიც შედეგად მოყვება ხანძარს, მუხის დაცემა, აფეთქება, შტორმი, ქარიშხალი (25 მ/წმ-ზე მეტი), სეტყვა, წყალდიდობა, უხვთოვლიანობა, მეზობლის ბინიდან წყლის ჩამოსვლა, დატბორვა, რომელიც გამომწვეულია გათბობის სისტემის დაზიანებით, კანალიზაციის სისტემას და წყალგაყვანილობის სისტემის მწყობრიდან გამოსვლით, მიწისძვრა, მესამე პირის მიერ განზრახ მიყენებული ზიანი/ვანდალიზმი; დაზღვეული ქონების ექსპლუატაციის შედეგად მესამე პირთა წინაშე წარმოქმნილი პასუხისმგებლობის დაზღვევა (მესამე პირისთვის დატბორვით, ხანძრით ან აფეთქებით მიყენებული ზიანი), გარდა პირობებში მითითებული გამონაკლისებისა;
4. **დამზღვევის მიერ სადაზღვევო პრემიის გარდა სხვა ფინანსური ხარჯის გაწევის წინაპირობები, ოდენობა და წესი** - არ არის გათვალისწინებული
5. **ფრანშიზის სახე, ოდენობა და გამოყენების წინაპირობები**

ფრანშიზა არის თანხა, რომელიც არ ექვემდებარება **მზღვეველის** მიერ ანაზღაურებას და რომელიც აკლდება ზარალის თანხის ოდენობას და რომელზეც **მზღვეველი** არ არის პასუხისმგებელი.

ფრანშიზა – ასეთის არსებობის შემთხვევაში - **განისაზღვრება სადაზღვევო პოლისში.**

ფრანშიზა შეიძლება იყოს:

პირობითი – თანხობრივად გამოსატული პირობითი ზღვარი. თუ ზარალი ამ პირობით ზღვარზე ნაკლებია ან მისი ტოლია, **მზღვეველი** მას არ აანაზღაურებს. თუ ზარალი აღემატება ამ პირობით ზღვარს, **მზღვეველი** აანაზღაურებს ზარალის მთლიან ოდენობას;

უპირობო – ის მინიმალური თანხა, რომელიც ყოველთვის გამოაკლდება მთლიანი ზარალის ოდენობას;

თუ **პოლისში ფრანშიზის** ტიპი არ არის მითითებული, გამოიყენება **უპირობო ფრანშიზა;**

ფრანშიზა შესაძლოა განისაზღვროს როგორც ყველა, ისე ცალკეული სახის ზიანისათვის სხვადასახვა მოცულობით და მიეთითოს პოლისში.
6. **ზოგადი გამონაკლისები**
 - 6.1. **დაზღვევა არ ვრცელდება და შესაბამისად მზღვეველი თავისუფლდება სადაზღვევო ანაზღაურების გადახდის ვალდებულებისაგან შემდეგ შემთხვევებში:**

ა) ზარალი გამოწვეულია დამზღვევის, დაზღვეულის ან მოსარგებლის მიერ ჩადენილი განზრახ ქმედებით, უხეში გაუფრთხილებლობით ან მოქმედი კანონმდებლობის დარღვევით.

ბ) ზარალი გამოწვეულია ომით, დაპყრობით, უცხოელი მტრის ქმედებებით, საომარი მოქმედებებით (მიუხედავად იმისა, გამოცხადებულია ომი, თუ - არა), საზოგადოებრივი არეულობებით, სამოქალაქო ომით, აჯანყებით, რევოლუციით, ამბოხებით ან სამხედრო, ან უკანონო ხელისუფლებით, ტერორიზმის ნებისმიერი აქტით, სხვა დაუძლეველი ძალის ზემოქმედებით, დაზღვეული ფორს-მაჟორული რისკების გამოკლებით.

გ) თუ ადგილი ჰქონდა იონიზირებულ რადიაციას, ბირთვულ ან სხვა სახის მავნე ნარჩენებიდან მიღებულ რადიაციას და დაბინძურებას; რადიოაქტიური, ფეთქებადი, ბირთვული ნივთიერების შემცველი აირის ბუნებრივი მდგომარეობის ცვლილებას;

დ) ზარალი რომელიც წარმოიშვა ნებისმიერი სხვა კონტრაქტის, შეთანხმების საფუძველზე. სხვა დაზღვევის ხელშეკრულების არსებობის შემთხვევაში, რომლის მიხედვითაც იგივე ინტერესი არის დაზღვეული, მოქმედებს ორმაგი დაზღვევისათვის განსაზღვრული დებულებები, ანუ თუ ამ პირობების წინამდებარე ნაწილით გათვალისწინებული დაზღვევის ინტერესი ერთდროულად რამდენიმე მზღვეველთან აღმოჩნდება დაზღვეული (ორმაგი დაზღვევა), დამზღვევი ვალდებულია ასეთი ინფორმაციის შეტყობისთანავე დაუყოვნებლივ აცნობოს მზღვეველს და შესაბამის წერილობით შეტყობინებაში აღნიშნოს სხვა მზღვეველების ვინაობა და მათი პასუხისმგებლობის მოცულობა. ასეთ შემთხვევაში მზღვეველები დამდგარ ზარალში მონაწილეობას მიიღებენ, როგორც სოლიდარული მოვალეები პასუხისმგებლობის მოცულობის პროპორციულად, მაგრამ დამზღვევს არ აქვს უფლება, მოითხოვოს ჯამში რეალურ ზიანზე მეტი თანხა;

ე) თუ ადგილი აქვს გარემოებას, რომელიც საქართველოს მოქმედი კანონმდებლობის თანახმად, მზღვეველს უფლებამოსილებას ანიჭებს, უარი თქვას სადაზღვევო ანაზღაურებაზე.

6.2. დაზღვევა არ ვრცელდება და შესაბამისად მზღვეველი თავისუფლდება სადაზღვევო ანაზღაურების გადახდის ვალდებულებისაგან შემდეგ შემთხვევებში:

ა) ზიანი ან განადგურება, რომელიც გამოწვეულია ბგერითი ან ზებგერითი სიჩქარით მოძრავი თვითმფრინავის ან სხვა საფრენი აპარატის მიერ წარმოქმნილი წნევის ტალღებით.

ბ) ელექტრონული ან ელექტრო ხელსაწყოთა დანაკარგი ან ზიანი, რომელიც გამოწვეულია მეხის დაცემით

გ) ცეცხლით გამოწვეული ზარალი, რომელიც არ არის გამოწვეული ხანძრით.

დ) თვით ქონების მოულოდნელი ფერმენტაციით ან გაცხელებით, ან დაზღვეული ქონების მიერ რაიმე სითბური პროცესის გავლით გამოწვეული ზიანი ან ზარალი.

ე) ზიანი, რომელიც მიადგა ღია ცის ქვეშ დატოვებულ ან ზიანის დადგომის მომენტისათვის უკვე დაზიანებულ და/ან დაშლილ შენობაში მყოფ ავეჯს, საყოფაცხოვრებო ტექნიკას და სხვა საყოფაცხოვრებო ნივთებს, კარებისა და ფანჯრების, ასევე, სახურავის ფანჯრების ღიად დატოვების გამო დამდგარი ზიანის ჩათვლით.

ვ) ნებისმიერი ზიანი, რომელიც მიადგა გარეთ მდებარე დამზღვევის საინჟინრო მოწყობილობას, გარე მოპირკეთებას.

ზ) ზიანი, რომელიც გამოწვეულია სადრენაჟო სისტემების არასწორი გამოყენებით.

თ) ზიანი, რომელიც გამოწვეულია მიწის სამუშაოების ჩატარების შედეგად გრუნტის ხელოვნური დაწვეით ან მოძრაობით, მდინარის ნაპირისა და მიმდებარე ტერიტორიის ეროზიით;

ი) ზიანი, რომელიც გამოწვეულია რაიმე ქონების დანგრევით, სტრუქტურის ცვლილებებით ან შეკეთებით, ასევე საძირკველის სამშენებლო სამუშაოებით ან გათხრებით.

კ) დანაკარგი ან ზიანი, რომელსაც ადგილი ჰქონდა წყლის მიღების, არხების, ავზების ან მოწყობილობების შეკეთების, გაუქმების, დაგრძელების ან გადატანის პროცესში.

ლ) ვანდალიზმის შედეგად დამდგარი ზარალი, თუ დაზღვეულ ბინაში/სახლში 1 თვეზე მეტი დროის განმავლობაში არავინ იმყოფებოდა, გარდა იმ შემთხვევისა, როცა პოლისში მითითებულია, რომ დაზღვევა ვრცელდება წელიწადში 1 თვეზე მეტ ხანს დაუსახლებელ ბინებზე/სახლებზე.

მ) თუ სადაზღვევო შემთხვევის დადგომამდე კომპეტენტური სახელმწიფო ორგანოების მიერ დაზღვეული ქონება ავარიულ მდგომარეობაში მყოფ შენობათა რიცხვს მიეკუთვნა.

ნ) თუ დაზღვევის ხელშეკრულების გაფორმების მომენტისათვის, კომპეტენტური სახელმწიფო ორგანოების მიერ დაზღვევის ტერიტორია აღიარებული იქნა შესაძლო სტიქიური უბედურების ზონად.

ო) რომელიც გამოწვეულია ხელისუფლების ნებისმიერი ორგანოს ბრძანებით, განკარგულებით, ქმედებით, კონფისკაციით, რეკვიზიციით, ექსპროპრიაციით ან ამგვართა მცდელობით.

პ) რომელიც გამოწვეულია მშენებლობის საინჟინრო ან სხვაგვარი დეფექტით, არასწორი პროექტირებით, უხარისხოდ შესრულებული სამუშაოს შედეგად ან უხარისხო მასალების გამოყენებით.

ჟ) რომელიც გამოწვეულია შენობა/ნაგებობების კაპიტალური რემონტის ჩატარებით, გარდა მესამე პირთა წინაშე წარმოქმნილი პასუხისმგებლობისა.

რ) ზიანი რომელიც გამოწვეულია რადიაციით ან დაბინძურებით, გარდა სადაზღვევო შემთხვევის შედეგად გამოწვეული დაბინძურებისა;

ს) წინამდებარე პირობებში მითითებული რისკების გარდა სხვა ნებისმიერი რისკით გამოწვეული ზიანი.

6.3. მზღვეველი თავისუფალია ნაკისრი ვალდებულებების შესრულებისაგან, თუ დამზღვევმა:

ა) არ გადასცა მზღვეველს რეგრესის უფლება/არ მოაწოდა ის დოკუმენტები, რომლებიც საჭიროა შემთხვევაზე პასუხისმგებელი პირის მიმართ რეგრესის მოთხოვნის წასაყენებლად.

ბ) თუ დამზღვევ, ა/დამზღვევის ოჯახის წევრმა განზრახ ჩაიდინა მართლსაწინააღმდეგო ქმედება, რომელიც პირდაპირ კავშირშია სადაზღვევო შემთხვევის დადგომასთან.

გ) დამზღვევმა მზღვეველთან წინასწარი წერილობითი შეთანხმების გარეშე გადაუხადა მესამე პირს კომპენსაცია ან ანაზღაურა სასამართლო ან/და სასამართლოს გარეშე დაცვის ხარჯები;

6.4. ზღვეველს შეუძლია უარი განაცხადოს სადაზღვევო ანაზღაურების გაცემაზე იმ შემთხვევაში, თუ ადგილი ჰქონდა შემდეგ გარემოებებს:

ა) დამზღვევმა არ შეასრულა მასზე სადაზღვევო პირობებით დაკისრებული ვალდებულებები;

ბ) არ მიაწოდა სადაზღვევო შემთხვევის შესახებ ინფორმაცია (შეტყობინება) იმ ვადებში, რომლებიც შეთანხმებულია დაზრვევის პირობებით და აღნიშნული შეუტყობინებლობით არსებითად შეილახა მზღვეველის ინტერესები;

გ) დამზღვევის მიერ დაზღვევის განხორციელების/სადაზღვევო შემთხვევის აღიარების/სადაზღვევო ანაზღაურების ოდენობის გამოთვლისათვის საჭირო ინფორმაცია / დოკუმენტები არის წინასწარი შეცნობით არაზუსტი ან ყალბი;

დ) ადგილი აქვს გარემოებებს, რომელიც ზრდის სადაზღვევო რისკის დადგომის ალბათობას, ცნობილია დამზღვევისთვის დაზღვეულისთვის, მოსარგებლისთვის ამის შესახებ დაუყოვნებლივ არ აცნობა წერილობითი ფორმით მზღვეველს ან მიაწოდა მზღვეველს ყალბი ან არასრული ინფორმაცია / დოკუმენტები აღნიშნულის შესახებ;

ე) დამზღვევმა/მოსარგებლემ უარი განაცხადა უზრუნველყო ზღვეველის წარმომადგენლის მონაწილეობა სადაზღვევო შემთხვევის გამომწვევი მიზეზების, მიყენებული ზიანის სიდიდისა და სადაზღვევო შემთხვევასთან დაკავშირებული სხვა მონაცემების მოკვლევა-მოძიებაში;

ვ) დამზღვევმა არ წარმოადგინა მზღვეველის მიერ მოთხოვნილი დამზღვევის პირობებით გათვალისწინებული რომელიმე დოკუმენტი;

ზ) დამზღვევმა უხეზად დაარღვია სადაზღვევო შემთხვევის/რისკის ზრდის შესახებ ინფორმაციის მიწოდების ვადა.

თ) დამზღვევმა გადააცილა პრემიის გადაუხდელობის მიზეზით მზღვეველის მიერ დადგენილ ორკვირიან ვადას;

ი) მზღვეველის მიერ დაზღვეულ ინტერესთან მიმართებით ადგილი ჰქონდა ორმაგ დაზღვევას, მაგრამ დამზღვევმა ასეთი ორმაგი დაზღვევის შესახებ მზღვეველს ინფორმაცია არ მიაწოდა წერილობითი ფორმით.

კ) დამზღვევმა ვერ შეასრულა მასზე დაზღვევის პირობებით დაკისრებული სხვა ვალდებულებები.

ლ) დამზღვევმა არ მიიღო რისკის/ ზარალის შესამცირებლად მისთვის ხელმისაწვდომი, გონივრული ზომები, რაც გახდა სადაზღვევო შემთხვევისა და ამ შემთხვევის განმაპირობებელი ზიანის ან მისი ოდენობის განმსაზღვრელი ფაქტორი.

6.5. ასევე, ანაზღაურებას არ ექვემდებარება:

6.5.1.1 დაზიანებული ობიექტის გაუმჯობესებაზე ან მისი მახასიათებლების ცვლილებაზე განეული დამატებითი დანახარჯები;

6.5.1.2. ჩვეულებრივი ექსპლუატაციისას პროფილაქტიკურ რემონტზე და მომსახურებაზე განეული დანახარჯები;

6.5.1.3. ხარჯები, რომელთა განევააც აუცილებელია სადაზღვევო შემთხვევის დადგომისგან დამოუკიდებლად;

6.5.1.4. სხვა ხარჯები, რომლებიც აღემატება საჭიროებას.

- მზღვეველი არ არის პასუხისმგებელი იმ დამატებით ზარალზე, რომელიც გამომწვეული იქნება პირველადი დაზიანების დროულად არ აღმოფხვრის შედეგად.

6.6. დამატებითი გამონაკლისები მესამე პირთა წინაშე პასუხისმგებლობის დაზღვევის დამატებითი დაფარვისთვის:

6.2.1. არ ანაზღაურდება პასუხისმგებლობა, რომელიც:

6.2.1.1. წარმოქმნილია იმ ქონების დაზიანებით ან განადგურებით, რომელიც დამზღვევის მიერ იჯარით არის აღებულიან იმყოფება დამზღვევის ან დამზღვევის ოჯახის წევრების კონტროლის ქვეშ ან დამზღვევის ნათესავების მფლობელობაში.

6.2.1.2 აღემატება კანონით დადგენილ პასუხისმგებლობას.

6.2.1.3 დაკისრებულია რაიმე ხელშეკრულების შესაბამისად ან საჯარიმო სანქციების სახით.

- მზღვეველი თავისუფლდება ვალდებულებებისგან იმ შემთხვევაში, თუ დამზღვევმა განგებ გამოიწვია მესამე პირის წინაშე პასუხისმგებლობის დადგომა.

- ანაზღაურების გაცემის საფუძველი ასევე არ არის ისეთი შემთხვევები, როდესაც დამზღვევი ან/და დამზღვევის წარმომადგენელი საქმის სასამართლო განხილვის ეტაპზე თავად სცნობს სარჩელს ან მის ნაწილს მზღვეველთან წინასწარი წერილობითი შეთანხმების გარეშე;

7. სადაზღვევო ანაზღაურებაზე უარის გაცხადება

7.1. მზღვეველი ასევე არ აანაზღაურებს იმ სადაზღვევო შემთხვევებს, რომლებიც დადგება დამზღვევის მიერ პრემიის პირველი ან ერთჯერადი შესატანის გადახდამდე.

7.2 იმ შემთხვევაში, თუ დადასტურდა, რომ ქონება იყო დაზღვეული გაზრდილ თანხაზე უკანონო სარგებლის მიღების (უსაფუძვლო

გამდიდრების) მიზნით, მზღვეველი თავისუფლდება ყველა ნაკისრი ვალდებულებისაგან.

- 7.3. რისკის ხარისხის ცვლილების შესახებ მზღვეველისთვის დროულად შეუტყობინებლობის შემთხვევაში, მზღვეველი უფლებას იტოვებს უარი განაცხადოს სადაზღვევო ანაზღაურების გადახდაზე.
- 7.5. მზღვეველი უფლებამოსილია არ აანაზღაუროს ის შემთხვევები, რომელიც არ არის გათვალისწინებული ამ პირობებით და/ან ხვდება გამონაკლისთა ნუსხაში;
- 7.6. მზღვეველი უფლებამოსილია უარი განაცხადოს სადაზღვევო ანაზღაურების გაცემაზე დამზღვევის/მოსარგებლის მიერ დაზღვევის ხელშეკრულებით ნაკისრ ვალდებულებათა შეუსრულებლობის ან არაჯეროვანი შესრულების შემთხვევაში;
- 7.7. მზღვეველთან წერილობითი შეთანხმების გარეშე დამზღვევის მიერ მესამე პირებისთვის ზიანის ანაზღაურების ან რაიმე სხვა (მათ შორის, სასამართლოში ან სასამართლოს გარეშე დაცვაზე) ხარჯების გაწევის, ანაზღაურების შესახებ ვალდებულების აღების, სარჩელის ცნობის, სასამართლოს მიერ დამზღვევის საწინააღმდეგოდ დაუსწრებელი გადანყვეტილების გამოტანის შემთხვევაში, მზღვეველი თავისუფლდება სადაზღვევო ანაზღაურების გადახდის ვალდებულებისაგან.

დაზღვევის საგანი არ შეიძლება იყოს ანუ დაზღვევას არ ექვემდებარება და დაზღვევით არ იფარება:

- შენობა/ნაგებობების კონსტრუქციული ელემენტები, გარეთა მხარეს დამონტაჟებული საგნები (ანძეხი, ანტენები, მავთულები); გადამცემი და გამანაწილებელი ხაზები და, ასევე, გარე საყოფაცხოვრებო საინჟინრო მოწყობილობები (სანიტარულ-ტექნიკური და გასათბობი მოწყობილობები, წყლის ბოილერები, წყალგაყვანილობა, გაზგაყვანილობა, ელექტროგაყვანილობა, კანალიზაციის სისტემა, ელექტრონული მრიცხველები, სატელევიზიო და სატელეფონო კაბელები);

- მობილური ელექტროტექნიკა – ნოუთბუქი, პალმტოპი, ფოტოკამერა, ვიდეოკამერა, მობილური ტელეფონი, მაგნიტოფონი, აიფონი და სხვა ელექტროტექნიკა განკუთვნილი გამოყენებისთვის მგზავრობის დროს.

- ცხოველები, ფრინველები და მწერები; მცენარეები, ნარგავები და მარცვლოვანი კულტურები;

- კვების პროდუქტები;

- ფეთქებადი ნივთები და ნივთიერებები; იარაღი, საბრძოლო მასალები, სარეწი იარაღები და მოწყობილობები;

- მოქმედი კანონმდებლობის მოთხოვნათა შესაბამისად სავალდებულო რეგისტრაციას დაქვემდებარებული სატრანსპორტო საშუალებები;

- ინფორმაციის მატარებლები, კომპიუტერსა და სხვა სახის ანალოგიურ სისტემებში არსებული ტექნიკური საინფორმაციო საშუალებები (მაგნიტური ბლოკი, მაგნიტური ლენტა, საინფორმაციო ბლოკი და ა.შ.);
- ხელნაწერები, ფოტოსურათები, ნეგატივები, სქემები, ნახაზები და/ან ნებისმიერი სხვა სახის დოკუმენტაცია, ბულაღურული და საქმიანი წიგნები და/ან ჩანაწერები, მოდელები, მაკეტები, ნიმუშები და ფორმები;
- ოქროს, ვერცხლის ან სხვა ძვირფასი ლითონისგან დამზადებული ნაკეთობები; ძვირფასი, ნახევრად ძვირფასი და სანაკეთო ქვები; ძვირფასი ქვები დამუშავებისა და მოჭედვის გარეშე; ძვირფასი და იშვიათი ლითონების მავთულის, ზოდის, ქვიშის ან თვითნაბადი სახით; ბეწვეული, სურათები, სკულპტურები და ხელოვნების სხვა ნიმუშები, მარკები, მონეტები, ფულადი ნიშნები, ბონები და სხვა სახის კოლექციები, ანტიკვარიატი; ნაღდი ფული უცხოურ თუ ეროვნულ ვალუტაში, ჩეკები, ბონდები, შემნახველი ვაუჩერები და ობლიგაციები, საფოსტო მარკები, საფოსტო-შემნახველი მარკები, საფოსტო და ფულადი გზავნილები, სამოგზაურობილეთები, კვების ვაუჩერები, სიმ ბარათები, მობილური ტელეფონის ბარათები, სასაჩუქრე ვაუჩერები, აქციები, სხვა ფასიანი ქაღალდები და საბანკო ბარათები;
- სხვა ნებისმიერი ქონება რაც არ წარმოადგენს დაზღვევის საგანს ამ პირობების შესაბამისად

დაზღვევა ასევე არ გავრცელდება იმ ნივთზე, რომელიც არ იქნა მითითებული განაცხადში და ამასთან ერთად:

- სადაზღვევო შემთხვევის შემდეგ დამზღვევის მიერ ვერ იქნა წარმოდგენილი აღნიშნული ნივთის მართლზომიერად ფლობის დამადასტურებელი დოკუმენტი; ან
- პოლისის გაცემიდან ზარალის დადგომამდე პერიოდში არ იქნა წარმოდგენილი დაზღვეულ ობიექტზე გადაღებული დაზღვეული ნივთის ფოტოსურათი.

8. სადაზღვევო შემთხვევის დადგომისას მზღვეველისთვის შეტყობინების გაგზავნის, მოთხოვნის წარდგენის, სადაზღვევო შემთხვევის რეგულირების და სადაზღვევო ანაზღაურების გაცემის ფორმა და ვადები:

- 8.1. სადაზღვევო შემთხვევის დადგომისას თქვენ ვალდებული ხართ:
 - 8.1.1. დაუყოვნებლივ აცნობოთ მომხდარის შესახებ შესაბამის კომპეტენტურ ორგანოს (საკაპიტრულო პოლიციას, ხანძარსაწინააღმდეგო სამსახურს, საგანგებო სიტუაციების მართვის სამსახურს და სხვა) და აგრეთვე ჩვენ (ჩვენს 24-საათიან ქოლ ცენტრს).
 - 8.1.2. მიიღოთ ყველა შესაძლო გონივრული ზომა ზარალის შემდგომი გავრცობის შეწყვეტისათვის, მისი ოდენობის შემცირების ან დაზიანებული ქონების გადარჩენის მიზნით. ასეთი ზომების მიღებისას უნდა იმოქმედოთ ჩვენი

ზეპირი ან/და წერილობითი ინსტრუქციების შესაბამისად, თუ ასეთი გაცემულია;

8.1.3. ჩვენი წარმომადგენლის მისვლამდე შეძლებისდაგვარად შეინარჩუნოთ არსებული მდგომარეობა შემთხვევის ადგილზე.

8.1.4. მიიღოთ ყველა ზომა, რათა უზრუნველყოთ ჩვენი რეგრესული მოთხოვნა მესამე პირების მიმართ, რომლებიც პასუხს აგებენ სადაზღვევო შემთხვევის შედეგად მიყენებულ ზიანზე.

8.1.5. ხელი შევკნყოთ სადაზღვევო შემთხვევის გამომწვევი მიზეზების, მიყენებული ზიანის გარემოებებისა და ოდენობის მოკვლევა-მოდებაში.

8.1.6. სადაზღვევო შემთხვევის მომენტიდან არაუგვიანეს 1 კვირისა მოგვანოდოთ:

ა) წერილობითი შეტყობინება სადაზღვევო შემთხვევის შესახებ;

ბ) წერილობითი განცხადება დაზიანებული ქონების ჩამონათვალისა და მისი აღდგენითი მიახლოებითი ღირებულებების მითითებით.

გ) სადაზღვევო შემთხვევასთან დაკავშირებული, კომპეტენტური სახელმწიფო ორგანოების მიერ გაცემული შემთხვევის გარემოებების დამადასტურებელი ცნობები: ხანძარსაწინააღმდეგო სამსახურიდან, ჰიდრომეტეოროლოგიური ცენტრიდან, საპატრულო პოლიციიდან, შსს-დან, პროკურატურიდან ან სხვა სამართალდამცავი ორგანოებიდან (მათი კომპეტენციის ფარგლებში მომხდარი შემთხვევის ხასიათის მიხედვით);

დ) საკუთრების უფლების ან სხვა ქონებრივი ინტერესის დამადასტურებელი დოკუმენტი (ამონაწერი საჯარო რეესტრიდან, ნასყიდობის ხელშეკრულება, იჯარის ხელშეკრულება და ა.შ.);

ე) ზარალის ოდენობის დამადასტურებელი დოკუმენტაცია;

ვ) თქვენი საბანკო რეკვიზიტები.

ჩვენ ვიტოვებთ უფლებას, საჭიროების შემთხვევაში, მოვითხოვოთ დამატებითი დოკუმენტები, თუ ზემოთ მითითებული დოკუმენტების საფუძველზე შეუძლებელია დაზღვევისათვის მნიშვნელოვანი გარემოებების დადგენა ან/და ზიანის ოდენობის ზუსტად გაანგარიშება.

8.1.7. დაზღვეული ქონების ექსპლუატაციის შედეგად მესამე პირთა წინაშე წარმოქმნილი ქონებრივი პასუხისმგებლობის დაფარვის მიხედვით სადაზღვევო შემთხვევის დადგომისას, ასევე, აუცილებელია:

- ჩვენი წერილობითი თანხმობის გარეშე თქვენ არ აღიაროთ პასუხისმგებლობა და არ აიღოთ საკუთარ თავზე ზარალის ანაზღაურების ვალდებულება.

- მიიღოთ ყველა ზომა იმისათვის, რომ დაზარალებულმა მხარემ, ჩვენ მიერ ზარალის ანაზღაურებაზე მოთხოვნის განხილვამდე, არ მიმართოს სასამართლოს.

- საჭიროების შემთხვევაში გადასცეთ ჩვენ მიერ დანიშნულ პირს უფლებები:

- აწარმოოს მოლაპარაკებანი დაზარალებულ პირებთან და მათ წარმომადგენლებთან, და

- წარმოგადგინოთ სასამართლო პროცესში, ყველა პროცესუალური უფლებამოსილებით, ქონებრივ მოთხოვნებზე პასუხისმგებლობის აღიარების (სარჩელის ცნობის) უფლების ჩათვლით.

- მესამე პირის წინაშე პასუხისმგებლობის დაფარვის მიხედვით სადაზღვევო შემთხვევის დადგომისას ასევე დროულად შეგვატყობინოთ მესამე პირის დაზიანებული ქონების ექსპერტიზის ჩატარების დრო და ზარალის

განსაზღვრის მიზნით მოგვცეთ საშუალება ჩავატაროთ დამოუკიდებელი ექსპერტიზა.

- გარდა 8.1.6. პუნქტით გათვალისწინებულისა, დამატებით წარმოგვიდგინოთ შემდეგი სახის დოკუმენტაცია

1) მესამე პირის პრეტენზიის წერილი;

2) კანონიერ ძალაში შესული სასამართლო გადაწყვეტილება, რომელშიც დაფიქსირებულია თქვენ მიერ მესამე პირისთვის მიყენებული ზიანის კომპენსაციის ოდენობა, თუ პრეტენზიის განხილვა მოხდა სასამართლო წესით; ხოლო თუ გადახდა განხორციელდა მხარეთა შეთანხმებით, ასეთი შეთანხმების ამსახველი წერილობითი დოკუმენტი; ამასთან, მხარეთა შეთანხმებით ანაზღაურების გაცემა იწარმოებს მხოლოდ იმ შემთხვევაში, თუ გადასახდელი თანხის ოდენობა წერილობითი გზით შეთანხმებულია მზღვეველთან და თუ დაზარალებული წერილობით დაადასტურებს, რომ მას არ გააჩნია არავითარი პრეტენზია სადაზღვევო შემთხვევასთან დაკავშირებით

ჩვენ ვიტოვებთ უფლებას, საჭიროების შემთხვევაში, მოვითხოვოთ დამატებითი დოკუმენტები, თუ ზემოთ მითითებული დოკუმენტების საფუძველზე შეუძლებელია დაზღვევისათვის მნიშვნელოვანი გარემოებების დადგენა ან/და ზიანის ოდენობის ზუსტად გაანგარიშება.

8.2. სადაზღვევო ანაზღაურების გამოთვლა

8.2.1. ქონების რემონტის დაზიანების/განადგურების შემთხვევაში ანაზღაურების გამოთვლა სადაზღვევო ლიმიტის ფარგლებში ხდება დაზიანებული/განადგურებული ქონების რემონტის აღდგენითი ღირებულებების მიხედვით.

8.2.2. ქონების რემონტის დაზიანების შემთხვევაში სადაზღვევო ლიმიტის ფარგლებში ანაზღაურებას ექვემდებარება შეკეთების/გამოსწორების/განმენდის ხარჯები, რომლებიც საჭიროა დაზიანებული ქონების აღსადგენად.

8.2.3. ანაზღაურებადი სარემონტო/აღდგენითი ხარჯები მოიცავს:

ა) დანახარჯებს რემონტის მასალაზე და სათადარიგო ნაწილებზე;

ბ) დანახარჯებს სარემონტო სამუშაოების ანაზღაურებაზე;

გ) დანახარჯებს, რომლებიც საჭიროა მასალების ადგილამდე მისატანად;

დ) სხვა დანახარჯებს, განეულს უშუალოდ სადაზღვევო შემთხვევამდე არსებული მდგომარეობის აღსადგენად.

8.2.4. აღდგენითი დანახარჯები გამოითვლება სადაზღვევო შემთხვევის მომენტში არსებულ ფასებზე დაყრდნობით.

8.2.5. იმ შემთხვევაში, თუ ქონების აღდგენა სადაზღვევო შემთხვევის მომენტისათვის არსებული პარამეტრების შესაბამისად რაიმე მიზეზის გამო შეუძლებელი, ან ეკონომიკურად მიზანშეუწონელია, ურთიერთშეთანხმების საფუძველზე შესაძლოა აღსადგენი ობიექტის რიგი პარამეტრების შეცვლა.

8.2.6. ჩვენ ავანაზღაურებთ დანახარჯებს, რომელთა განევაც შესაძლოა, საჭირო გახდეს წინასარემონტო სამუშაოების ფარგლებში, თუ ამგვარი სამუშაოები საბოლოო რემონტის ნაწილია, შეთანხმებულია ჩვენთან და თუ ამით არ გაიზრდება რემონტზე განეული საერთო დანახარჯი.

8.2.7. აღდგენით სამუშაოებთან დაკავშირებული ყველა ხარჯი გაღებული უნდა იყოს დროულად და გონივრულ ფარგლებში.

- 8.2.8. ჩვენ არ ვიქნებით პასუხისმგებელი იმ დამატებით ზარალზე, რომელიც გამოწვეული იქნება პირველადი დაზიანების დროულად აღმოუფხვრელობის შედეგად.
- 8.2.9. ამასთან. თქვენ ჩვენი თანხმობის გარეშე არც ერთ შემთხვევაში არ უნდა შეუდგეთ დაზიანებული/განადგურებული ქონების შეკეთებას/აღდგენას და ჩვენი წარმომადგებლის მისვლამდე ობიექტური შესაძლებლობის ფარგლებში თქვენ უნდა უზრუნველყოთ შემთხვევის ადგილზე არსებული მდგომარეობის შენარჩუნება. აღნიშნული ვალდებულების თქვენს მიერ დარღვევა წარმოადგენს მზღვეველის მიერ სადაზღვევო ანაზღაურებაზე უარის გაცხადების საფუძველს.
- 8.2.10 ანაზღაურების გაცემის შემდგომ, თქვენ/დაზღვეული/მოსარგებლე ვალდებული ხართ უზრუნველყოთ ჩვენთვის საკუთრების უფლების გადმოცემა ნარჩენებზე და შეასრულოთ ყველა ის მოქმედება, რომელიც გათვალისწინებულია საქართველოს მოქმედი კანონმდებლობით ამ მიზნისათვის. ამასთან, იმ შემთხვევაში თუ ნარჩენებზე საკუთრების უფლების გადმოცემა ვერ ხერხდება (რაც არ არის დაკავშირებული თქვენს მიერ დაზღვევის პირობებით გათვალისწინებული ვალდებულებების დარღვევასთან ან მართლსაწინააღმდეგო ქმედებასთან) ან/და ნარჩენებზე რეგისტრირებულია სამართლებრივი აკრძალვა/შეზღუდვა ან/და გირავნობის უფლება ან/და არსებობს სხვა ობიექტური გარემოება, რომელიც შეუძლებელს ხდის ჩვენზე საკუთრებისა და მფლობელობის უფლების გადმოსვლას, ჩვენ უფლებამოსილი ვართ საკუთარი გადაწყვეტილებით შეცვლილი/განადგურებული ნარჩენის ნარჩენი საბაზრო ღირებულება გამოვჭვითოთ გასაცემი სადაზღვევო ანაზღაურებიდან.
- 8.2.11 თუ გაირკვა, რომ ქონების განადგურება ან დაზიანება გამოწვეული იყო მესამე პირის ქმედებით, ჩვენ უფლება გვაქვს გამოვიყენოთ რეგრესის წესი და მოვითხოვოთ გადახდილი თანხის ანაზღაურება ბრალეული მხარისაგან.
თუ თქვენი ბრალით ჩვენ მიერ რეგრესის უფლების გამოყენება შეუძლებელი გახდა, ჩვენ უფლება გვაქვს უარი ვთქვათ ანაზღაურებაზე ან თქვენგან მოვითხოვოთ უკვე გაცემული სადაზღვევო ანაზღაურების დაბრუნება.
- 8.3. სადაზღვევო ანაზღაურების გაცემა
- 8.3.1. ჩვენ გადავიხდით სადაზღვევო ანაზღაურებას სადაზღვევო აქტის მხარეთა მიერ ხელმოწერიდან 5 (ხუთი) სამუშაო დღის ვადაში, თუ ადგილი არა აქვს მესამე პირთა მართლსაწინააღმდეგო ქმედებას, ვანდალიზმს როდესაც სადაზღვევო ანაზღაურება გაიცემა სადაზღვევო აქტის მხარეთა მიერ ხელმოწერიდან 1 (ერთი) თვის შემდეგ,
- 8.3.2. ჩვენ უფლებას ვიტოვებთ გადავავადოთ სადაზღვევო ანაზღაურების თაობაზე გადაწყვეტილების მიღება, თუ სადაზღვევო რისკის ხდომილების ფაქტთან დაკავშირებით თქვენი/დაზღვეულის (მოსარგებლის) ან უფლებამოსილი წარმომადგენლის მიმართ აღძრულია სისხლის სამართლის საქმე.
- 8.3.3. სადაზღვევო ანაზღაურების ოდენობის გამოთვლა ზიანის და პასუხისმგებლობის დაზღვევის შემთხვევაში რეგულირდება დაზიანებული/განადგურებული ქონების დათვალიერების და კომპეტენტური ორგანოების მიერ გაცემული დოკუმენტების საფუძველზე.

- 8.3.4. სადაზღვევო ანაზღაურების მაქსიმალური ოდენობა ლიმიტირებულია სადაზღვევო ლიმიტით, მიუხედავად სადაზღვევო შემთხვევების რაოდენობისა და ზარალის სიდიდისა.
- 8.3.5. სადაზღვევო ანაზღაურების გაცემისას სადაზღვევო ანაზღაურებას გამოაკლდება სადაზღვევო პოლისში მითითებული ფრანშიზა.
- 8.3.6. თუ ზარალის ანაზღაურება თქვენთვის /დაზღვეულისთვის/ მოსარგებლისთვის განხორციელდა მესამე პირის/ების მიერ, ჩვენ ავანაზღაურებთ მხოლოდ სხვაობას დაზღვევის ხელშეკრულებით ჩვენ მიერ ასანაზღაურებელ თანხასა და მესამე პირის მიერ ანაზღაურებულ თანხას შორის. თქვენ დაუყოვნებლივ უნდა შეგვატყობინოთ აღნიშნული თანხის მიღების შესახებ.
- 8.3.7. მხარეთა მიერ ხელმოწერილი სადაზღვევო აქტი წარმოადგენს ჩვენ მიერ სადაზღვევო ანაზღაურების გაცემის საფუძველს. თქვენ /დაზღვეულის/ მოსარგებლის მიერ სადაზღვევო აქტის ხელმოწერამდე ჩვენ არ ვართ ვალდებული, გასცეთ სადაზღვევო ანაზღაურება.
- 8.3.8. იმ შემთხვევაში, თუ ჩვენ ვერ შევთანხმდით ზარალის საბოლოო ოდენობაზე ან შემთხვევის გამომწვევ მიზეზებზე, შეფასება მოხდება დამოუკიდებელი ექსპერტის მეშვეობით. ამასთან, შეფასებაზე გასაწევი ხარჯების რეგულირების საკითხი განისაზღვრება შემდეგნაირად:
- ა) იმ შემთხვევაში, თუ შეფასება (ექსპერტიზა) ტარდება ჩვენი სურვილითა და ინიციატივით, ასეთ შეფასებაზე (ექსპერტიზაზე) გასაწევ ხარჯებს ჩვენ ვფარავთ;
 - ბ) იმ შემთხვევაში, თუ შეფასება (ექსპერტიზა) ტარდება თქვენი სურვილითა და ინიციატივით, ასეთ შეფასებაზე (ექსპერტიზაზე) გასაწევ ხარჯებს თქვენ ფარავთ;
 - გ) იმ შემთხვევაში, თუ შეფასება (ექსპერტიზა) ტარდება მხარეთა ერთობლივი გადაწყვეტილებითა და ინიციატივით, ასეთ შეფასებაზე (ექსპერტიზაზე) გასაწევ ხარჯები თანაბრად ნაწილდება ჩვენს შორის.

წინამდებარე შეთავაზება წარმოადგენს არაამომწურავ ინფორმაციას დაზღვევის პირობების შესახებ და აღნიშნული დოკუმენტი არ არის დაზღვევის ხელშეკრულების იდენტური ძალის მქონე თქვენს მიერ წინამდებარე შეთავაზების გაცნობა და ჩვენს მიერ შეთავაზებასთან დაკავშირებით განმარტებების გაკეთება არ წარმოშობს სამართლებრივ შედეგებს და მოთხოვნებს თქვენსა და ჩვენს შორის